



UNIVERSITÄTS-
BIBLIOTHEK
PADERBORN

Universitätsbibliothek Paderborn

Nucleus Practici Tractatus, De Legibus

Marchius, Ewald

Coloniæ Agrippinæ, 1660 [erschienen] 1661

Cap. IX. De Iure seu Lege gentium.

urn:nbn:de:hbz:466:1-42256

propter pravas consuetudines, aut mores corruptos.

Patet : quia apud diversas Nationes fuerunt specialia vitia, contra particulares LEGES Naturæ, tanquam licita approbata, ut apud aliquas Furta, apud Alias Latrocinia, alibi Enecationes Parentum, quando senio conficiebantur, apud Plures cultus multorum Deorum.

CAPUT IX.

De Jure, seu LEGE Gentium.

Quid sit? Quomodo à Jure Naturali & Civili distinguatur? Quotuplex sit? Quid statuatur & an mutari & in eo dispensari possit?

JUS GENTIVM, prout distinguitur à Naturali, est, quod usu ac moribus omnium, aut fere omnium Gentium, introductum est, non autem instinctu solius Naturæ. § Jus Gentium Instit: de JURE Naturali Gentium & Civili. Atque hinc, distinguitur à Jure Naturali, quod ejus obligatio, oriatur ex voluntate Hominum, ac sit mutabile ex parte sua, & non semper omnibus, sed regulariter, & fere semper omnibus, sit commune. Can : Jus Gentium : dist. I. At Jus Naturale, est unum & idem, apud omnes, cum ipsius obligatio, ex Natura Rationali, & Natu-

Naturali conditione operum oriatur.

Dividitur Ius Gentium in Primævum & Antiquum libro 1. de acq. rer. Dom: quod licet etiam, sit Jus Naturale, Dicitur tamen Gentium, eo quod hæc, illo communiter utantur, ac dicitur etiam Jus Naturale, secundarium, ad distinctionem prioris Juris Naturalis, quod etiam cum Hominibus, Brutis est commune,

Ex hoc Jure Gentium primævo, descendit Religio erga Deum, Amor erga Parentes Præcepta Decalogi. Eodem Jure, omnia Hominibus erant communia, nec verbum meum, & tuum, audiebatur, nec erat Servitus sed omnes Liberi nascebantur. cap. Jus. Nat. dist. 1.

Ius vero Gentium secundarium, quod & Humanum, illud dicitur, quod non ab initio cum hominibus natum sit, sed postea usu ex gente, & humanis necessitatibus, Gentes humana id sibi constituerint, & moribus usurparaverint.

Et hoc est Jus Gentium propriè dictum, quo distributæ sunt Possessiones, Introducta, Meum, ac Tuum. Bella incepta, discretæ gentes. Regna condita. Dominica distincta lib. 1. de Just. & Jure. Captivitates, Servitutes Secundarium occupatio, Ædificatio, Munitio. Item

omnes fere contractus introducti, uti & Fœdera, Paces, Induciæ, Legatorum admittendorum, & non violandorum Religio. Conubia inter Alienigenas prohibita. &c Ita S. Isidorus in Can. Jus Gentium dist. 1. Valensis in Præmio Parat. § 4.

Differunt vero Jura Gentium, à Præceptis Juris civilis, quia illa, non scripto, sed moribus, non unius vel alterius Civitatis, vel Provinciae, sed omnium, vel fere omnium Nationum constant.

Præterea, Jura Civilia, dicuntur esse mutabilia, in totum, Jura autem Gentium, non in toto, sed in parte, quod intellige secundum moralem Potestatem, & usum hominum, non autem, de tota collectione præceptorum utriusque juris, sic enim neutrum est moraliter mutabile, in totum, quia neutrum, potest ab humano genere absolute tolli Ita Suarez lib. 2: de Legibus cap. 20 & 29. & Felinus in cap. quæ Eccles. de constit: qui ibi cum Abbate in cap. finali docet, quod Princeps in aliquo Capitulo possit dispensare contra Jus Gentium, sed non tollere totum, uti etiam, quod contra illud possit introduci consuetudo, quando non est inductiva peccati.